




Republic of the Philippines
Department of Education
CARAGA REGION



Setyembre 12, 2022

MEMORANDUM PANREHIYON
Blg. 0775, s. 2022

Para sa mga: PANSANGAY NA TAGAPAMANILA NG MGA PAARALAN
Ang Rehiyong ito

PAGPUPULONG NG MGA TAGAMASID PANSANGAY SA FILIPINO
KAUGNAY SA MGA USAPING PANG-FILIPINO

1. Bilang suporta at pormal na pagpapatupad sa programang E-Taguyod sa DM Blg. 073, s. 2022 na ipinalabas ng Kawanihan ng Linangan ng Pagkatuto – Sangay ng Pagtuturo at Pagkatuto, ang DepEd Caraga sa pamamagitan ng Curriculum and Learning Management Division (CLMD) ay magkakaroon ng isang Pagpupulong sa 12 tagamasid pansangay sa Filipino ngayong Setyembre 13, 2022, 9:00 NU gamit ang *online platform*.
2. Layunin ng pulong na ito ang mabigyang-diin ang mga isyung pamFilipino at makahanay ng mga gawain sa pagpapatatag sa 4Ks- kaakuhan, kamalayan, kalinangan, kaunlarang pang-Filipino gamit ang Filipino.
3. Inaasahan ang bawat tagamasid pansangay na maghanda ng imumungkahing gawain pang-Filipino kaugnay sa E-Taguyod na nabanggit sa nakalakip na Memorandum.
4. Sa dagdag na detalye at katanungan, maaaring sumangguni sa CLMD sa pamamagitan ni Maria Consuelo C. Jamera, EPS-Filipino at mag-email sa mariaconsuelo.jamera@deped.gov.ph o tumawag sa 09120821145.
5. Maaga at malawakang pagpapalaganap sa Memorandum na ito ay inaasahan.


MA. GEMMA MERCADO LEDESMA
Direktor ng Rehiyon

Kalakip: Gaya ng nabanggit
Sanggunian: Wala
Ilalagay sa Palagiang Palatuntunan
sa ilalim na sumusunod na paksa:

FILIPINO

LEARNING AREA

MEETING

CLM/mcj
09/12/2022



Address: J.P. Rosales Avenue,
Butuan City
Trunkline No: (085) 342-8207
Telefax No: (085) 342-5969
Email: caraga@deped.gov.ph



2022-09-11861

Document Control No:
DepEdRO13-F-REC-013/R3/02-18-2020



Republic of the Philippines
Department of Education

26 AUG 2022

MEMORANDUM PANGKAGAWARAN

Blg. 073 , s. 2022

BUWAN NG WIKANG PAMBANSA 2022

Sa mga: Direktor ng Kawanihan
Direktor ng mga Rehiyon
Tagapamanihala ng mga Paaralan
Pinunò ng mga Pampubliko at Pribadong Paaralan

1. Alinsunod sa itinakdang Proklamasyon Bilang (Blg.) 1041, s. 1997, na nagpapahayag ng taunang Buwan ng Wikang Pambansa tuwing 1-31 ng Agosto, ang pagdiriwang ay pangungunahan ng Komisyon sa Wikang Filipino (KWF).

2. Para sa pagdiriwang ng Buwan ng Wikang Pambansa, ipinatutupad ang KWF Kapasiyahan ng Kalupunan Blg. 8-6 serye 2022 na nagtatakda ng temang, **Filipino at Mga Katutubong Wika: Kasangkapan sa Paglikha at Pagtuklas** na naglalayon na ilaan ang Agosto bilang lunsaran ng mga pagpupunyagi sa kasaysayan ng bansa at mga wika.

3. Layunin ng Buwan ng Wika 2022 ang sumusunod:

- Ganap na maipatupad ang Pampanguluhang Proklamasyon Blg. 1041;
- Maiangat ang kamalayan ng mga mamamayang Pilipino ukol sa wika at kasaysayan nitò;
- Mahikayat ang iba't ibang ahensiyang pampamahalaan at pampribado na makiisa sa mga programang tulad nitò na nagpapataas ng kamalayang pangwika at sibiko;
- Maganyak ang mga mamamayang Pilipino na pahalagahan ang mga wika ng Pilipinas sa pamamagitan ng aktibong pakikilahok sa mga gawain kaugnay ng Buwan ng Wikang Pambansa; at
- Maipakilala sa mga mamamayang Pilipino ang KWF bilang ahensiya ng pamahalaan na nangangalaga sa mga wika ng Pilipinas sa pamamagitan ng mga programang pangwika nitò.

4. Hinati sa limang lingguhang tema ang isang buwang pagdiriwang:

Petsa	Tema
Unang Linggo 1-7 Agosto 2022	Ang mga Wikang Katutubo sa Paglinang ng Kulturang Pangkalikasan
Ika-2 Linggo 8-14 Agosto 2022	Wika ng Tahanan, Komunidad, at Paaralan: Kaugalian at Motibasyon sa Pagpapataas ng Kalidad ng Edukasyon
Ika-3 Linggo 15-21 Agosto 2022	Wikang Filipino: Daluyan ng Karunungan at Kakayahan

Ika-4 na Linggo 22-28 Agosto 2022	Multidisiplinaryo at Interdisciplinaryong Lapit sa Pagbubuo at Pagpapatibay ng Nasyonalismong Kultural
Ika-5 Linggo 29-31 Agosto 2022	Paunang Sipat sa Dokumentasyong Dihital sa Preserbasyon ng mga Pamanang Kultural

5. Samantala, pormal na inilulunsad ng Kagawaran ng Edukasyon sa pangunguna ng Kawanihan ng Linangan ng Pagkatuto-Sangay ng Pagtuturo at Pagkatuto ang programang **FILIPINO E-TAGUYOD: Pambansang Programa para sa Filipino sa Edukasyon**. Isa itong maka-Filipino at maka-Filipinong programa na magpapalakas at magtataguyod sa Filipino sa Edukasyon. Tuon nito ang pagbuo, pagpapatupad, pagsubaybay at ebalwasyon ng mga proyekto at gawaing pagpapaunlad ng mga kaalaman at kasanayan sa Filipino sa paglinang pam-Filipino ngunit hindi limitado sa:

- pagtuturo at pagkatuto ng Filipino;
- pagtuturo at pagkatuto sa ibang asignatura gamit ang Filipino;
- pananaliksik;
- pagsasalin; at
- iba pang kaugnay sa paggamit ng Filipino sa larang ng edukasyon.

6. Tunguhin ng programang ito ang pagpapatatag sa 4Ks—kaakuhan, kamalayan, kalinangan, at kaunlarang pam-Filipino gamit ang Filipino. Sakop ng programang ito ang sumusunod na proyekto:


- E-Riserts sa Filipino** na lilinang sa kasanayan sa pananaliksik ng mga guro at mag-aaral;
- Filipino E-Linang** na tutugon sa paglinang ng mga kasanayan sa paggamit ng Filipino sa edukasyon gaya ng ngunit hindi limitado sa korespondensiya, kagamitang panturo at pagkatuto, pagtuturo ng ibang asignatura gamit ang Filipino;
- Filipino E-Turo** na tutugon sa pagpapaunlad sa kasanayan sa pagtuturo ng Filipino tuon ngunit hindi limitado sa kaalamang pangnilalaman, mga estratehiyang pampedagohiya, pagtataya, kagamitan, kapaligirang pampagkatuto, isyung pangmag-aaral at iba pang kaugnay;
- E-Salin Sa Filipino** na tutugon sa paglinang ng kasanayan sa pagsasalin sa Filipino ng mga guro at mag-aaral; at
- Filipino E-Global** na tutugon sa makaglobal na pagtataguyod sa Filipino sa edukasyon gaya ng ngunit hindi limitado sa paglinang ng kasanayang panteknolohiya ng mga guro sa Filipino, eksposyur sa mga makabago at napapanahong pandaigdig na usaping pangwika sa edukasyon.

7. Iminumungkahi ang online at malayang paglahok ng mga guro at mag-aaral sa mga gawaing nakasaad sa Kalakip (Antas at mga Gawain). Isaalang-alang na ito ay nasa panahon pa ng bakasyon at mga gawain sa pagsisimula ng taong panuruan.

8. Para sa iba pang detalye at impormasyon, maaaring makipag-ugnayan sa **Sangay ng Edukasyon at Networking** sa mobile phone blg. 0928-8441349 o komisyonsawika@gmail.com para sa mga katanungan kaugnay sa mga Gawain sa Buwan ng Wika at/o sa **Kagawaran ng Edukasyon-Kawanihan ng Linangan sa Pagkatuto** sa telepono blg. (02) 8636-6540; (02) 8633-6549 o mag-email sa bld.od@deped.gov.ph para naman sa mga katanungan hinggil sa programang Filipino E-Taguyod.

9. Hinihiling ang maagap at malawakang pagpapalaganap ng Memorandum na ito.

Alinsunod sa awtoridad na iginawad ng Kalihim:


EPIMACO V. DENSING III
Pangalawang Kalihim at Puno ng Estado Mayor

Kalakip:
Gaya ng sinasaad



Sanggunian:
Memorandum Pangkagawaran Blg. 046, s. 2021

Ilalagay sa Palagiang Taluntunan sa ilalim
ng mga sumusunod na paksa:

BUREAUS AND OFFICES
CELEBRATIONS AND FESTIVALS
CURRICULUM
LANGUAGE
LEARNING AREA, FILIPINO
SCHOOLS

SMMA, RMES, APA, MPC DM Buwan ng Wikang Pambansa 2022
0217 – Agosto 12, 2022